

Srušen najuži krug globalnog kralja droge

Dan akcije usmjeren je na 23 pomagača i korumpirana službenika u Bosni i Hercegovini

U raciji velikih razmjera koja je provedena u Bosni i Hercegovini, službenici za provođenje zakona upali su u domove i urede 23 osobe za koje se sumnja da su dio 'užeg kruga' [narkobosa uhapšenog u novembru 2022. godine](#). Europol je podržao jučerašnju akciju koja služi kao još jedna prekretnica u borbi protiv takozvanog 'super kartela', saveza kriminalnih mreža koje su kontrolisale veći dio evropske trgovine kokainom. Kao i u operaciji 'Desert Light' /Pustinjsko svjetlo/, nekoliko partnera iz cijelog svijeta sarađivalo je kako bi zadali još jedan veliki udarac ovoj kriminalnoj strukturi. Službenici aktivni na terenu, kojima su se pridružili stručnjaci Europol, kao i agenti Američke agencije za borbu protiv droga (DEA) i Federalnog istražnog ureda (FBI), pretražili su preko 40 lokacija.

Primarni cilj operacije kodnog naziva "Black Tie" /Crna kravata/ bio je optužiti i procesuirati bosanskohercegovačkog/nizozemskog državljanina kojeg Europol i Nizozemska smatraju Metom visoke vrijednosti. Osumnjičenog su 2023. godine nizozemske vlasti osudile na sedam godina zatvora zbog trgovine drogom. Drugi operativni cilj bio je razbiti cijelu kriminalnu organizaciju pod komandom i kontrolom Mete visoke vrijednosti. Ovu zajedničku međunarodnu istragu činile su belgijske, bosanskohercegovačke, francuske i američke službe za provođenje zakona, uz podršku Europol.

Unatoč hapšenju u novembru 2022. godine, istraga je pokazala da je Meta visoke vrijednosti nastavila usmjeravati trgovinu drogom iz izvornih zemalja u Južnoj Americi, poput Brazila, Kolumbije i Perua, u Evropu i Australiju iz svoje baze u Dubaiju, Ujedinjeni Arapski Emirati. Sarađujući s drugim vrhunskim međunarodnim trgovcima drogom u Dubaiju, s kojima je zajednički ulagao u višetonske pothvate krijumčarenja kokaina, bosanskohercegovački/nizozemski državljanin postao je moćna figura koja kontroliše masivno snabdijevanje kokainom prema Evropi i drugim destinacijama. Nadalje, Meta visoke vrijednosti se sumnjiči i da je odgovorna za proizvodnju sintetičkih droga u EU.

Ciljanje na „uži krug“ narkobosa

Među 23 osobe koje su jučer uhapšene nisu samo pomagači, već i korumpirani zvaničnici identifikovani kao pomagači kriminalnih aktivnosti mreže. Uoči ove akcije, bh. organi su već bili uhapsili dvojicu osumnjičenih i zaplijenili 55 000 eura u gotovini, 8 komada vatrenog oružja, 11 policijskih radio stanica i dokumentaciju o pranju novca. Na dan provođenja akcije, službe za provođenje zakona dodatno su oduzele gotovinu, automobile, laptope i izuzele i druge dokaze.

Nakon zahtjeva za informacijama primljenog u junu 2023. godine od Bosne i Hercegovine, Europol je podržao bh. organe u istrazi protiv uže grupe ili 'unutrašnjeg kruga' članova od povjerenja kriminalne organizacije Mete visoke vrijednosti. Među ostalim krivičnim djelima, predmet u domaćem pravosuđu bio je usredotočen na teška krivična djela poput trgovine drogom velikih razmjera, pranja novca i povezanog organiziranog kriminala u Bosni i Hercegovini.

Informacija Europol za javnost

Uloga Europol

Europol je poslao dva stručnjaka s mobilnim uredima u Bosnu i Hercegovinu kako bi prikupili i unakrsno provjerili obavještajne podatke te pomogli u daljoj koordinaciji aktivnosti. Osim podrške koja je dovela do jučerašnje akcije, Europol je podupirao cjelokupnu istragu s obavještajnim podacima i koordinacijom. Od početka 2021. godine Europolovi stručnjaci sačinili su i podijelili više od 30 paketa obavještajnih podataka povezanih s Metom visoke vrijednosti i njenom kriminalnom mrežom.

Agencije za provođenje zakona koje sudjeluju:

Belgija: Savezna pravosudna policija Antwerpen (Federale Gerechtelijke Politie Antwerpen)

Francuska: Nacionalna policija (Police Nationale - Office anti-stupéfiantes (OFAST))

Bosna i Hercegovina: Ministarstvo unutrašnjih/unutarnjih poslova Kantona Sarajevo, Policija Kantona Sarajevo)

Sjedinjene Države: Uprava za suzbijanje droga (DEA); Federalni istražni ured (FBI)

Agencije koje sudjeluju:

Europol